

Hoben y Talentoso

Entrega di award book bou di strea



ORANJESTAD – Dia-bierna anochi na Paseo Herencia a tuma luga e entrega di “award book” na 36 Hoben y Talentoso di Aruba. E buki a wordo entrega na e hoben pa minister Benny Sevinger.

E anochi a cuminsa bunita, ya cu e hoben nan a wordo alinea den orden di number y un pa un a wordo yama pa subi e tapijt cora y saca un potret cu sr. Sevinger. Despues di esey Ruben Garcia a tuma e

microfon y conhuntamente cu Ichelle Simmons a guia e anochi. Sr. Garcia cu hopi carisma a introduci cada hoben ora di tuma nan award book y a lesa e textonan cu e hoben nan mes a skirbi den nan buki.

Pa locual a trata entretenimento, e hoben nan mes a pone hunto un show di un ora. Entre declamacion di poesia, canto y instrumental. Osvaldo Correa a encarga di introduci cada acto riba esce-



nario. Bon Dia Aruba a papia cu Jurina Lanoy Maduro cu tabata un di e hoben nan cu a canta riba e anochi aki. Bon Dia Aruba a puntra Jurina kico e ta pensa di e anochi pa cual e la contesta. “Mi a haya esaki hopi bon mes. E ta un estimulo y por ta un inspiracion pa otro hoben cu porta lo kier entrega. Pero pa mira cu tin mas hoben di nan edad cu ta sigui persevera pa siña bay dilanti. Pues eynan nan tambe lo haya animo pa sigui. Y tambe ma bin conoce ho-



bennan cu talento cu mi mes no sa di nan mes y bo ta mira cu mester stop di generalisa cu hoben ta bay den mal caminda y cuminsa enfoca riba esunnan cu ta haciendo algo positivo. Y pa esunnan cu a haya reconocimiento e ta un señal di hey mi ta den bon direccion y pa nan tambe sigui anto purba di surpasa na mes cada biaha di nobo. E experiencia pa mi tabata uno inolvidabel cu aunke bo no conoce e musiconan pero idioma di musica tur hende ta compronde otro.” □

